

聚學軒叢書

周禮補注卷四

聚學軒叢書第四集

旌德呂飛鵬學

貴池劉世珩校刊

夏官司馬

司燿注讀如予若觀火之觀 說文燿取火於日官名
从火霍聲舉火曰燿周禮曰司燿掌行火之政令或
从亘作烜飛鵬案燿有二義其云取火於日者蓋秋
官之司烜也云舉火曰燿并引司燿經文卽此行火
之司燿也觀亦霍聲故後鄭擬其音如此

挈壺氏注挈讀如絜髮之絜 案鄭注禮記絜矩之道
云絜猶結也挈也故賈疏以此注絜爲卽結之義

大僕 千寶注若漢侍中

劉昭續漢志注

續漢志侍中比二

千石注引漢官秩云千石

戎右 案此經戎右卽車右也左傳桓三年曲沃武公伐翼梁宏爲右注右戎車之右八年鬪丹獲其戎車與其戎右少師注戎右車右也

注右者參乘 余本嘉靖本毛本右作古紹基案月令注云人君之車必使勇士衣甲居右而參乘齊右注云陪乘參乘謂車右也卽此右者參乘之確證疏有作古者誤字也

戎僕 案此經戎僕卽左傳之御戎也桓三年曲沃武公伐翼次於陘庭韓萬御戎注御戎僕也疏引周禮戎僕掌御戎車以證之

齊僕 案此經齊僕卽春秋時之乘馬御也左傳成十

八年程鄭爲乘馬御六騶屬焉注乘馬御乘車之僕也疏云周禮齊僕下大夫掌馭金路以賓朝覲宗遇饗食皆乘金路杜言乘馬御乘車之僕則當彼齊僕也晉語謂之贊僕

趣馬下士注鄭司農說以詩曰蹶維趣馬案詩箋云

趣馬中士也掌王馬之政此云下士疑鄭箋有誤

職方氏樊毅修華岳碑周禮識方氏集古錄云以識方氏爲職方字畫分明非訛缺疑當時周禮之學自如此案識職古字通夏小正二月采識一本作職職爲後起字故書當作識鄭君所見本乃作職耳說文職記微也

擲人

釋文擲他南反與探同說文云擲探也

都司馬

春官疏夏官都家稱司馬得與大官同名者

以其軍事是重故與大官同名也

家司馬各使其臣以正于公司馬

沈彤周官祿田考

云以序官家司馬各使其臣以正於公司馬之文移
在都司馬本職後都司馬本職後家司馬亦如之之
文移在序官都司馬後是家司馬亦如之即謂每家
上中下士府史胥徒如都司馬之數矣蓋此本與春
官家宗人秋官家士二目同例而其簡與職互錯也
大司馬職施貢分職注職謂職稅也 校勘記云宋本
余本嘉靖本作賦與儀禮經傳通解合此誤 案魏

徵治要引此注亦作賦稅

均守平則注諸侯有土地者均之尊者守大卑者守小則法也 案則當訓爲則土與五命賜則之則參看周書作雒解將建諸侯鑿取其方一面之土燾以黃土苴以白茅以爲土封故曰受則土於周室則土不平守必不均均守平則則邦國獲安若如賈疏以職貢之等皆有常法爲訓何以別於施貢分職乎

則省之注省猶人省瘦也 釋名言語部省嗇也御覽人事部引作省瘦也省省古通用字春秋莊二十年肆大省公羊作肆大省大司徒省禮卽省禮

則壇之注壇讀如同墀之墀 別雅文帝本紀其廣增

諸祀壇場珪幣壇卽壇字集韻壇亦音他干切壇亦音上演切則二字音通故古亦通用

放弑其君則殘之注放逐也殘殺也 異義鄭君以爲

左氏宣十八年秋七月云邾人戕鄆子于鄆傳曰凡自內虐殺其君曰弑自外曰戕卽邾人戕鄆子是也自內弑其君曰殺者晉人弑其君州蒲是也雖他國君不加虐亦曰殺若加虐殺之乃謂之戕之取殘賊之意也若自上殺下及兩下自相殺之等皆曰殺本疏中春教振旅注兵者凶事不可空設因蒐狩而習之凡師出曰治兵入曰振旅皆習戰也四時各教民以其一焉 鄭元於異義駁不從公羊云祠兵故云祠兵

者公羊字之誤因而作說之亦不從左氏說治兵爲
授兵於廟云於周司馬職曰仲夏教茆舍仲秋教治
兵其下皆云如戰之陳仲冬教大閱脩戰法虞人萊
所田之野乃爲之

本疏

軍將執晉鼓 釋文將軍如字本或作軍將飛鵬案釋
文出將軍云如字知故書當作將軍不與師帥旅帥
同也作軍將者乃或本耳

以教坐作進退疾徐疏數之節 惠氏棟曰兵法有立
陳有坐陳見尉繚子立陳所以行也坐陳所以止也
春秋傳曰坐其北門又云裹糧坐甲又云王使甲坐
於道又云士皆坐列司馬法曰徒以坐固荀子曰庶

士介而坐道皆坐陳也

仲夏教芟舍注芟讀如萊沛之沛芟舍草止之也軍有
草止之法 案說文艸部芟草根也一曰草之白華
爲芟广部废舍也據此則废爲废舍正字詩召南及
此經作芟僖十五年傳作拔舍皆假借也魏徵治要
引此作拔舍

鄉以州名注鄉則南鄉甄東鄉爲人是也 禮說世本
有宋大夫東鄉爲無人字似東鄉氏而爲名晉國高
士全隱於南鄉因以爲氏則南鄉甄者亦氏南鄉名
甄也 段玉裁曰左氏有向爲人鄉向古通疑鄉氏
有東鄉南鄉之別又曰文七年正義云世本宋桓公

生公子鱗鱗生東鄉矐是則左傳鱗矐世本作東鄉
矐左傳鱗朱向帶向爲人皆桓族也然則世本之東
鄉爲人卽左傳向爲人無疑

鄉遂載物 漢讀考云此當從石經作鄉家假令是鄉
遂則注不得云鄉大夫也

遂以獮田 臧氏琳曰說文犬部云獮秋田也从犬璽
聲祿獮或从豕宗廟之田也故从豕示示部新附云
獮親廟也从示爾聲一本云古文禋也徐鍇本以獮
爲說文本字注云秋畋也从示爾聲獵者所以爲宗
廟之事左傳曰鳥獸之肉不登于俎則君不射故从
示又祖獮也案爾雅釋天釋文云獮息淺反說文从

禴或作禴从示知許書本有重文从示字但大徐本
既以獯爲禴因改禴爲禴小徐本於犬部移入示部
尚未易其訓大徐又改爲示部新附字則益失之矣
犬部祿獯或从豕宗廟之田也故从豕示當爲禴禴
或从示宗廟之田也故从示方合或說文本有祿字
而注有誤亦未可知

致禽以祀祊注祊當爲方聲之誤也 案說文云繫門

內祭先祖所以禘禋從示彭聲重文祊云繫或從方
據此則祊爲繫之或體所謂祭先祖者鄭注以此爲

主祭四方故易其字曰當爲方

慎言案祭先祖所以
禘禋以字宜衍詩楚

茨釋文不誤說文以門內祭
爲句小徐增以字義反晦

三鼓撾鐸注司馬法鼓聲不過閭鼙聲不過闕鐸聲不過琅
說文鼙鼓聲也鼙鼓聲也段玉裁云閭卽鼙
闕卽鼙

大獸公之小禽私之注鄭司農云一歲爲縱二歲爲貆
三歲爲特四歲爲肩五歲爲慎元謂慎讀爲麋案
說文縱生六月豚一曰一歲縱尙藁聚也貆牝豕一
曰二歲能相把拏詩曰一發五豝豝三歲豕肩相及
者詩曰並驅從兩豝兮豝毛詩作肩齊風傳云獸三
歲曰肩豳風傳云三歲曰豝其義均與許同而先鄭
獨云四歲爲肩故後鄭不从也三歲爲特義本魏詩
傳五歲爲慎不知先鄭何所據後鄭云慎讀爲麋王

氏引之云慎卽詩辰牡之辰凡字之從眞聲辰聲者
往往通用大祝振祭杜子春讀振爲慎亦其例也

屬其植注司農云植謂部曲將吏故宋城春秋傳曰華
元爲植巡功元謂植築城楨也 案說文栽下云築

牆長板从木戈聲春秋傳曰楚圍蔡里而栽徐鍇按
春秋左傳曰土功之事水昏正而栽謂始立楨幹及

版築之也植義蓋與栽同尙書峙乃楨幹馬注曰楨

幹皆築具楨在前幹在兩旁故鄭訓植爲楨也 慎言

樹也建也經上云軍吏載旗師都載旛鄉遂載物郊
野載旐又云田之日司馬建旗于後表之中羣吏以
旗物各帥其民而致先鄭所謂部曲軍吏卽羣吏也
大役聚眾庶羣吏各植旗以聚民而致于司馬如田
之儀司馬屬而會之分地授功故云屬謂聚會之也
杜注左氏宣二年傳云植謂將主也彼以華元是卿

攷云將主猶
周禮司馬也

大祭祀饗食羞牲魚授其祭注祭謂尸賓所以祭也

案此專指大祭宗廟而言楚茨爲賓爲客傳云繹而
賓尸及賓客信南山詩云畀我尸賓尸與賓連文皆
言祭祀賈疏引少牢下篇以證尸祭又引公食大夫
禮以證賓祭失之矣少牢饋食禮云上佐食舉尸一
魚尸受振祭臍之少牢下篇云司士杞魚亦司士載
尸俎五魚橫載之侑主人皆一魚亦橫載之皆加臠
祭於其上注云剝魚時割其腹以爲大臠也可用祭
也此疏約舉其詞以爲尸祭用魚之證而不知侑爲
賓中之賢者也少牢下篇云議侑於賓注云擇賓之

賢者可以侑尸是也又云司士羞涇魚縮執俎以升尸取膾祭祭之是尸祭也又云酌獻侑侑拜受三獻北面荅拜司馬羞涇魚一如尸禮可見尸取膾祭祭之侑亦當祭不言祭者省文也故後鄭兼尸賓以言祭也先鄭云大司馬主進魚牲殆亦據少牢下篇司馬羞涇魚以爲說與

司勳祭于大烝注死則於烝先王祭之今漢祭功臣於廟廷 漢制攷漢舊儀宗廟祭功臣四十人食堂下惟御僕滕公祭於廟門外塾 唐太常韋挺等議曰古者臣有大功享祿其後子孫率禮潔粢豐盛酌祠烝嘗四時不輟國家大祫又得配焉所以昭明其勳

尊崇其德以勸嗣臣也其禘及時享功臣皆不應享故周禮六功之官皆配大烝而已先儒皆以大烝爲

禘祭

通典

量人量其市朝州涂軍社之所里注鄭司農云量其市朝州涂還市朝而爲道也元謂州一州之眾二千五百人爲師每師一處市也朝也州也皆有道以相之軍社社主在軍者案量人營軍壘倣匠人營國之制而爲之國中面朝後市故此亦有市朝國中有九經九緯之涂故此亦有州涂國中左祖右社故此亦有軍社市與朝對文州涂與軍社對文以其聚一州之眾故曰州涂以其在軍中故曰軍社案疏云師

皆有道以相湊之疑注中相下奪湊字

慎言案先鄭意州與周義

同故云還市朝而為道也說文水中可居曰州周繞其旁是州字本取周繞為義此可證成先鄭說劉昌宗讀還戶串反亦取還繞之義後鄭別釋州字取一州二千五百人為說破先鄭釋州為周之說也賈疏謂先鄭不釋州義似欠核

司燿掌行火之政令 案呂氏春秋湯得伊尹祓之於

廟燿以燿火齊桓得管仲亦然高誘謂火所以祓除不祥周禮司燿掌行火之政令燿讀如權置火於桔槔燿以照之據此則燿火即權火也

几祭祀則祭燿 案漢書五行志載春秋說曰古之火

正謂火官也掌祭火星行火政季春昏心星出東方而昧七星鳥首正在南方則用火季秋星入則止火